

MPB e Malit të Zi

Më shumë se një shekull Ministria e Punëve të Brendshme përkujdeset për sigurinë dhe mbrojtjen e qytetarëve dhe të pasurisë. MPB nga 01. 01. 2010 udhëheq edhe gjendjen civile mes të cilave edhe regjistrimin në regjistrat e të lindurve dhe të shtetasve.

Ky doracak për prindërit është realizuar si përpjekje e MPB që të jetë një shërbim i mirë dhe efikas i qytetarëve, për të thjeshtuar procedurat dhe që ta bëjë shumë të lehtë qasjen në të gjitha informacionet relevante.



MALI I ZI

Ministria e Punëve të Brendshme

Telefoni: +382 20 225 341

Faksi: +382 20 203 275

E-maili: upravno.mup@mup.gov.me

Adresa: Bulevar Svetog Petra Cetinjskog 22
Podgoricë, Mali i Zi



Përfaqësia e UNHCR në Mal të Zi

Adresa: Stanka Dragojevicca bb, Podgorica

Telefoni: +382 20 447 400

Faksi: + 382 20 447 435

e-maili: mnepo@unhcr.org



MALI I ZI

Ministria e Punëve të Brendshme

PARAQITJA E FOSHNJAVE TË PORSALINDURA NË 4 HAPA

4

Duke pasur parasysh se bashkëpunimi me sektorin civil paraqet një nga prioritetet e MPB, nismën për hartimin e këtij doracaku e kemi realizuar në bashkëpunim me shoqatën "Prindërit" (NVO "Roditelji"), të njohur në opinionin malazet për përkujdesjen lidhur me të drejtat e prindërve dhe të fëmijëve.

Falënderojmë Fondin për Sigurim Shëndetësor, qendrat për punë sociale dhe vetëqeverisjet lokale për të dhënat që na i kanë parashtruar lidhur me çështjet nga fushëveprimi i kësaj pune. Një falënderim i posaçëm edhe për UNHCR i cili e ka njohur rëndësinë e këtij projekti dhe në mënyrë financiare e ka mbështetur printimin e kësaj fletëpalosje.

Të dhënat në këtë doracak janë me karakter të përgjithshëm dhe nuk kanë të bëjnë me përjashtimet të cilat në praktikë janë të mundshme, prandaj Ju lusim që në këtë rast të kontaktoni institucionet kompetente të lartpërmendura me qëllim të fitimit të informacioneve më të hollësishme.

Shoqata "Roditelji" është shoqatë jofitimprurëse dhe e pavarur qëllimi i së cilës është promovimi dhe përmirësimi i të drejtave të prindërve dhe fëmijëve në Mal të Zi. Qëllimi jonë është arritja e kushteve më të mira të jetesës për prindërit, fëmijët, familjet, gratë shtatzëna, lehonat, tajat, nënat dhe baballarët që punojnë... në bashkëpunim me institucionet arsimore dhe shëndetësore, organet shtetërore dhe administratat lokale, mediat.

Udruženje Roditelji

Veliše Mugoše
Zgrada Čelebić, Podgorica
udruzenje@roditelji.me
+382 20 27 21 68



www.facebook.com/roditelji.me
www.twitter.com/roditeljime
www.roditelji.me

udruženje
Roditelji

I ftojme të gjithë prindërit dhe kujdestarët e interesuar në Mal të Zi që të na bashkëngjiten dhe të bëhen anëtarë tonë. Të gjithë ata që do të plotësojnë FORMULARIN E ANËTARËSIMIT bëhen anëtarë tonë të rregullt, ndërsa ata që në mesin e tyre dëshirojnë të merren me aktivitetet e përbashkëta dhe me projekte e marrin statusin e anëtarëve aktiv. Formularin për anëtarësim mund ta gjeni edhe në portalin e parë për prindër www.roditelji.me

udruženje
Roditelji

UNHCR
The UN Refugee Agency

PARAQITJA
E FOSHNJAVE TË
PORSALINDURA
NË 4 HAPA

4

Ditët e para pas lindjes së fëmijës, përveç gëzimit dhe lumturisë, prindërve u sjellin edhe obligime që kanë të bëjnë me paraqitjen tek organet përkatëse, ashtu që fëmija të fitojë numrin e vetë të amzës, librezën e shëndetësisë, asistencën me para si dhe pakon me dhurata ose shpërblimin (ndihmën) me para nga

komuna në të cilën jetojnë, me kusht që komunat këtë e sigurojnë.

Të gjithë hapat që realizohen drejt arritjes së këtij qëllimi janë shumë të thjeshta, kurse për të qenë të shpejtë, efikas, të informuar dhe që mos të humbisni kohë, duhet t'i dini gjërat në vijim:

HAPI I

Ministria e Punëve të Brendshme

Mbi lindjen e fëmijës në maternitet ose në një institucion tjetër shëndetësor, ai institucioni është i obliguar që ta paraqesë Ministrisë së Punëve të Brendshme në afatin prej 3 ditëve. Pas kësaj, një nga prindërit që bashkëjetojnë në një lidhje martesore shkon me kartën e vetë të identitetit dhe të prindit tjetër në MPB, gjegjësisht në njësinë territoriale ose degën për çështje administrative të brendshme në cilëndo komunë, pa marrë parasysh vendlindjen e fëmijës. Propozojmë që më vetën të merrni dhe listat nga institucioni shëndetësor për shkak se mund të ndodhin që të vini t'a lajmëroni fëmijën para se institucioni shëndetësor të dërgoj Ministrisë së Brendshme dokumentacionin e nevojshëm mbi lindjen e fëmijës.

Në një vend paraqisni lindjen e fëmijës, i jepni emrin, e regjistroni në regjistrat e të lindurve, shtetasve malazez dhe vendbanimeve, ndërkaq formularin e kërkesës e fitoni në sportelin e MPB-së. Fëmija juaj, i lindur në Mal të Zi, do të regjistrohet në regjistrin e shtetasve malazez nëse të paktën njëri prej prindërve, në momentin e lindjes së fëmijës, është shtetas malazez.

Në qoftë se fëmija ka lindur në një lidhje jashtëmartesore, të dy prindërit vijnë në sportelin e MPB-së, nëna jep deklaratën se kush është babai i fëmijës, babai pranon atësinë, ndërsa pjesa tjetër e procedurës lidhur me regjistrimin në regjistra është e njëjtë si edhe për fëmijët e lindur në lidhje martesore.

Të drejtat dhe obligimet e prindërve dhe të afërmve të tjerë ndaj fëmijës, si dhe të drejtat dhe obligimet e fëmijëve ndaj prindërve dhe të afërmve, janë të njëjta pa marrë parasysh se a ka lindur fëmija në martesë apo jashtë martese.

Baba i fëmijës që nuk ka lindur në martesë konsiderohet mashkulli i cili e pranon fëmijën për të vetin, ose atësia e të cilit është përcaktuar me vendim të gjykatës.

Kur të parashtroni fletëparaqitjen, ditën vijuese të punës fitoni certifikatën nga regjistri i amzës së të lindurve dhe vërtetimin nga regjistri i shtetasve në formularin e përhershëm, pa detyrim për pagesën e shpenzimeve.

HAPI II

Fondi për Sigurim Shëndetësor

Pasi që e keni paraqitur fëmijën në Ministrinë e Punëve të Brendshme, hapi vijues është procedura për fitimin e librezës së shëndetësisë, sepse vizita e parë në këshillimoren e Shtëpisë së Shëndetit është paraparë 15 ditë pas lindjes.

Fëmija fiton statusin e personit të siguar të Fondit për Sigurim Shëndetësor përmes njërës prej prindërve, si anëtar i familjes. Për të realizuar këtë të drejtë, përveç në Fondin për Sigurim Shëndetësor, një pjesë të procedurës duhet ta kryeni edhe në Drejtorinë Tatimore, mirëpo vetëm në disa raste.

Në qoftë se prindërit janë të punësuar, personi i autorizuar i punëdhënësit të tyre (të punësuarit në shërbimin e burimeve njerëzore ose agjencitë që udhëheqin çështjet juridike të punëdhënësit, etj.) do t'i parashtrorin Drejtorisë Tatimore një formular të veçantë JPR (RTP) dhe fletëparaqitjen e fëmijës si anëtarë të familjes.

Në qoftë se prindërit janë të papunësuar, fletëparaqitjen për ta do ta dorëzojë personi i autorizuar i Entit për Punësim, gjegjësisht Zyra e Punës tek e cila është i regjistruar prindi i fëmijës, ndërsa në qoftë se janë pensionistë këtë do ta kryejë personi i autorizuar i Filialit të Fondit të Sigurimit Pensionist dhe Invaliditeti.

Për prindërit që janë përdoruesit e së drejtës mbi mbrojtje sociale dhe janë të paraqitur për sigurim, fletëparaqitjen e parashtrorin personat e autorizuar të Qendrave për Punë Sociale, ndërsa prindërit të cilët janë sipërmarrës privat, prodhuesit bujqësorë dhe pensionistët e jashtëm i parashtrorin vetë fletëparaqitjen Drejtorisë Tatimore.

Si dëshmi për paraqitjen e fëmijës parashtrohet certifikata nga Libri i Amzës së të Lindurve për fëmijën.

Kur Drejtoria Tatimore kryen përpunimin e fletëparaqitjes JPR (RTP), prindi shkon tek Filiali i Fondit të Shëndetësisë me librezën e shëndetësisë, të cilën e ka blerë më parë, ku zyrtarët e plotësojnë dhe e vërtetojnë, e më pas edhe e lëshojnë.

HAPI III

Qendra për Punë Sociale

Prindërit e foshnjave të porsalindura në Mal të Zi e gëzojnë të drejtën mbi asistencë të njëhershme në shumë prej 105,50 €, në bazë të Ligjit mbi mbrojtjen sociale dhe të fëmijëve. Për t'a fituar këtë asistencë nevojitet të vizitoni Qendrën për punë sociale që është përgjegjëse për komunën tuaj dhe t'a dorëzoni kopjen e certifikatës së lindjes nga libri amzë të fëmijës së juaj, si dhe dokumentet personale të të dy prindërve. Zyrtarët e Qendrës do të ju njoftojnë se ku dhe kur mund t'i merrni paratë.

HAPI IV

Sekretariati Kompetent për Përkujdesje Sociale

Disa qeverisje lokale sigurojnë një asistencë shtesë për foshnjat e porsalindura në komunë të vetë, kurse kushti është që të paktën njëri prej prindërve të ketë vendbanimin në komunë përkatëse. Disa autoritete lokale, janë përcaktuar për pako me dhurata, ndërsa të tjerat kanë vendosur të paguajnë një asistencë të njëhershme në para. Duke pasur parasysh se procedurat e vetëqeverisjeve lokale dallojnë, vërtetoni tek Sekretariati kompetent për përkujdesje sociale se a mund të pritni këtë lloj asistence dhe çfarë nevojitet t'ua parashtroni për përfitim të saj.